

嘉慶廬州府志

廬州府志卷二十三

名宦上傳

魏相

黃霸



王嘉

房鳳

郭雅

鄧晨

梁統

王景

元賀

宋均

第五頡

應融

范式

滕撫

羊續

陽球

服虔

盧植

陸康

張磐

邊讓

劉馥

子靖

張遼

樂進

李典

滿寵

駱統

朱桓

呂祉

孫河

洪矩

石苞

周浚

鄧殷

張夔 郝鑒 陶瞻 毛寶

桓伊 劉粹 諸葛闌 劉劭

劉善明 劉奚之 韋叡 馮道根

馬仙琕 裴邃 夏侯直 夏侯夔

蕭範 荀朗 裴景暉 黃法範

魯廣達 韓擒虎 朱敬則 韋岳子

李粦 賈深 鄧景山 崔圓

張萬福 張建封 羅珣 李翱

劉佑 路應求 殷祐 張杞

盧潘 鄭縈 馬仁裕

廬州府志卷二十三

賜進士出身廬州府知府溫陵張祥雲主修  
名宦傳上

太平寰宇記有人物無名宦至方輿勝覽乃載於地志  
此郡惟周瑜劉知幾米芾陳瓘李公麟楚建中呂夷簡  
五人與地紀勝變其例名之爲官吏則有魏張遠劉馥  
吳願雍晉郗鑒梁夏侯肅陽王範陳黃法蕤隋韓擒  
虎唐朱敬則劉祐盧潘鄧縈路應求羅珣南唐馬仁裕  
宋陳堯佐馬亮劉筠包拯馮京孫覺周美成劉攽胡舜  
陟趙康直呂祉廿六人而已後元明一統志皆用其例  
今取明志舊志又加採錄幾十倍於古舊志以意刪減

古書不爲典要今依各史列傳節錄不敢增易原文以傳信焉

監鎮郡守

漢

魏相字弱翁濟陰定陶人也徙平陵少學易爲郡卒史舉賢良以對策高第爲茂陵令遷揚州刺史考案郡國守相多所貶退相與丙吉相善時吉爲光祿大夫與相書曰朝廷已深知弱翁行治方且大用矣願少愼事自重藏器於身相心善其言爲霹威嚴居部二歲徵爲諫大夫復爲河南太守數年宣帝卽位徵相入爲大司農遷御史大夫韋賢以老病免相遂代爲丞相封高平侯食邑八百戶神爵三

年薨諡曰憲侯

漢書列傳

黃霸字次公淮陽陽夏人也武帝末補侍郎謁者坐同產有罪劾免後復入穀沈黎郡補左馮翊二百石卒史以廉稱察補河東均輸長復察廉爲河南太守丞霸爲人明察內敏又習文法然溫良有讓足知善御衆爲丞處議當於法令人心太守甚任之吏民愛敬焉自武帝末用法深繇是俗吏上嚴酷以爲能而霸獨用寬和爲名會宣帝卽位聞霸持法平召以爲廷尉正數決疑獄坐公卿大議廷中知長信少府夏侯勝非議詔書大不敬霸阿從不舉劾皆下廷尉積三歲迺出左馮翊宋畸舉霸賢良勝又口薦霸於上擢爲揚州刺史三歲詔以霸爲潁川太守霸外寬內明

得吏民心戶口歲增治爲天下第一徵守京兆尹三年代  
邴吉爲丞相封建成侯食邑六百戶甘露三年薨諡曰定  
侯

漢書循吏傳

何武字君公蜀郡郫縣人也宣帝時太僕王音舉武賢良方  
正徵對策拜爲諫大夫遷揚州刺史九江太守戴聖行治  
多不法前刺史以其大儒優容之武廉得其罪聖懼自免  
後爲博士毀武於朝廷武聞之終不揚其惡而聖子賓客  
爲羣盜得繫廬江聖自以子必死武平心決之卒不得死  
聖慙服行部必先卽學宮見諸生試其誦論問以得失然  
後入傳舍出記問墾田頃畝五穀美惡已乃見二千石以  
爲常初武爲郡吏時事太守何壽知武有宰相器以其同

姓故厚之後壽兄子爲廬江長史時武奏事在邸壽兄子適在長安壽爲具召武見其兄子武曰刺史古之方伯上所委任一州表率也不可有所私問爲刺史五歲入爲丞相

漢書列傳

王嘉字公仲平陵人也遷大中大夫出爲九江太守治甚有聲徵入爲大鴻臚徙京兆尹遷御史大夫建平三年代平當爲丞相封新甫侯元始四年詔書追錄忠臣封嘉子崇爲新甫侯追謚嘉爲忠侯

漢書列傳

房鳳字子元不其人擢光祿大夫遷五官中郎將出爲九江

太守穀梁春秋有尹胡申章房氏之學

漢書列傳

郭稚南陽穰人成帝時爲廬江太守有清名

漢書列傳



後漢

鄧晨字偉卿新野人娶光武姊元拜光祿大夫四年從幸壽春留鎮九江晨好樂郡職由是復拜爲中山太守吏民稱之常爲冀州高第

後漢書列傳

梁統字仲寧安定烏氏人建武十二年統詣京師以列侯奉朝請更封高山侯拜大中大夫在朝廷數陳便宜後出爲九江太守定封陵鄉侯統在郡亦有治迹吏人畏愛之卒於官子松嗣

後漢書列傳

王景字仲通樂浪誹邯人也建初七年遷徐州刺史明年遷廬江太守先是百姓不知牛耕致地力有餘而食常不足郡界有楚相孫叔敖所起芍陂稻田景乃驅率吏民修起

蕪廢教用犁耕墾闢倍多境內豐給遂銘石刻誓令民知  
常禁又訓令蠶織爲作法制皆著於鄉亭廬江傳其文辭  
後漢書列傳

元賀爲九江沛二郡守以清潔稱所在化行終於大司農  
後漢書第五倫傳

宋均字叔庠南陽安衆人也遷九江太守郡多虎暴數爲民  
患常募設檻穽而猶多傷害均到下記屬縣曰夫虎豹在  
山鼯鼯在水各有所托且江沚之有猛獸猶北土之有雞  
豚也今爲民害咎在殘吏而勞勤張捕非憂恤之本也其  
務退姦貪思進忠善可一去檻穽除削課制其後傳言虎  
相與東游渡江中元元年山陽楚沛多蝗其飛至九江界

者輒東西散去由是名稱遠近浚遼縣有唐后二山民共祠之衆巫遂取百姓男女以爲公姬歲歲改易旣而不敢嫁娶前後守令莫敢禁均乃下書曰自今以後爲山娶者皆娶巫家勿擾良民於是遂絕永平元年遷東海相建初元年卒於家

後漢書列傳

第五頡字子陵爲郡功曹從事公府辟舉高第爲侍御史南頓令桂陽南陽廬江三郡太守諫議大夫洛陽無主人鄉里無田宅客止靈臺中或十日不炊司隸校尉南陽左雄太史令張衡尙書廬江朱建孟興皆與頡故舊各致禮餉頡終不受

後漢書第五倫傳注

應融字義高汝南人安帝朝守廬江惠政及民八年拜司隸

校尉 明隆慶志

范式字巨卿山陽金鄉人也一名汎舉州茂才四遷荊州刺史廬江太守有威名卒於官 後漢書列傳

滕撫字叔輔北海劇人也建康元年九江范容周生等相聚反亂遣御史中丞馮緄將兵督揚州刺史尹燿九江太守鄧顯討之燿顯軍敗爲賊所殺又陰陵人徐鳳馬勉等復寇郡縣攻沒合胞明年廣陵賊張嬰等復聚衆數千人反據廣陵朝廷博求將帥三公舉撫有文武才拜爲九江都尉與中郎將趙序助馮緄合州郡兵數萬人共討之斬馬勉范容周生等千五百級徐鳳遂將餘衆攻燒東城下邳人謝安應募率其宗親設伏擊鳳斬之封安爲平鄉侯邑

三千戶拜撫中郎將督揚徐二州事撫復進擊張嬰斬獲千餘人又歷陽賊華孟攻九江殺郡守撫乘勝進擊破之斬孟等東南悉平

後漢書列傳

羊續字興祖太山平陽人也辟太尉府四遷爲廬江太守後揚州黃巾賊攻舒焚燒城郭續發縣中男子二十以上皆持兵勒陳其小弱者悉使負水灌火會集數萬人并勢力戰大破之郡界平後安風賊戴風等作亂續復擊破之斬首三千餘級生獲渠帥其餘黨輩願爲平民使就農業徵爲太常未及行會病卒

後漢書列傳

陽球字方正漁陽泉州人也辟司徒劉寵府舉高第九江山賊起連月不解三府上球有理姦才拜九江太守球到設

方略凶賊殄破收郡中姦吏盡殺之遷平原相

後漢書酷吏傳

服虔字子慎初名重又名祇後改爲虔河南滎陽人也少以

清苦建志入太學受業有雅才中平末拜九江太守免遭

亂行客病卒

後漢書丁傳

盧植字子幹涿郡涿人也熹平四年九江蠻反四府選植才

兼文武拜九江太守蠻寇賓服以疾去官會南夷反徵以

植嘗在九江有恩信拜爲廬江太守植深達政宜務存清

靜宏大體而已歲餘復徵拜議郎

後漢書列傳

陸康字季寧吳人也舉茂才除高成令光和元年遷武陵太

守轉守桂陽樂安二郡會廬江賊黃穰等與江夏蠻連結

十餘萬人攻沒四縣拜康廬江太守申明賞罰擊破穰等

餘黨悉降獻帝初袁術遣孫策攻康圍城數重康固守受敵二年子續幼曾謁術懷橘墮地者也

後漢書列傳

張磐字子石丹陽人以清白稱終於廬江太守

後漢書度尚傳

邊讓字文禮陳畱浚儀人也以高才擢進屢遷出爲九江太守不以爲能也初平中王室大亂讓去官還家恃才氣不屈曹操多輕侮之言建安中其鄉人有構讓于操操告郡就殺之文多遺失

後漢書列傳

魏

劉瓚字元穎沛國相人也避亂揚州建安初說袁術將戚寄秦翊使率衆與俱詣太祖太祖悅之司徒辟爲掾後孫策所置廬江太守李述攻殺揚州刺史嚴象廬江梅乾雷緒

陳蘭等聚眾數萬在江淮間郡縣殘破太祖方有袁紹之  
難謂復可任東南之事遂表爲揚州刺史復旣受命單馬  
造合肥空城建立州治南懷緒等皆安集之貢獻相繼數  
年中恩化大行百姓樂其政流民越江山而歸者以萬數  
于是聚諸生立學校廣屯田興治芍陂及茹陂七門吳塘  
諸埭以溉稻田官民有畜又高爲城壘多積木石編作草  
苫數千萬枚益貯魚膏數千斛爲戰守備建安十三年卒  
孫權率十萬眾攻圍合肥城百餘日時天連雨城欲崩于  
是以苫蓑覆之夜然脂照城外覩賊所作而爲備賊破走  
揚州士民益追思之以爲雖董安于之守晉陽不能過也  
及陂塘之利至今爲用子靖黃初中從黃門侍郎遷廬江



太守詔曰卿父昔爲彼州今卿復據此郡可謂克負荷者也靖爲政初雖如碎密終于百姓便之有馥遺風後爲大司農衛尉封廣陸亭侯嘉平六年薨諡曰景

三國志列傳

張遼字文遠雁門馬邑人也太祖以爲盪寇將軍封都亭侯使與樂進李典等將七千餘人也合肥太祖征張魯教與護軍薛悌署函邊曰賊至乃發俄而權率十萬衆圍合肥乃共發教曰若孫權至者張李將軍出戰樂將軍守護軍勿得與戰諸將皆疑遼曰公遠征在外比救至彼破我必矣是以教指及其未合逆擊之折其盛勢以安衆心然後可守也成敗之機在此一戰諸軍何疑李典亦與遼同於是遼夜募敢從之人得八百人椎牛饗將士明日大戰平

旦遼披甲持戟先登陷陣殺數十人斬二將大呼自名衝  
壘入至權麾下權大驚歎不知所爲走登高冢以長戟自  
守遼叱權下戰權不敢動望見遼所將衆少乃聚圍遼數  
重遼左右麾圍直前急擊圍開遼將麾下數十人得出餘  
衆號呼曰將軍棄我乎遼復還笑圍拔出餘衆權入馬皆  
披靡無敢當者自旦戰至日中吳人奪氣還修守備衆心  
乃安諸將咸服權守合肥十餘日城不可拔乃引退遼率  
諸軍追擊幾獲權太祖大壯遼拜征東將軍建安二十一  
年太祖復征孫權到合肥循行遼戰處歎息者良久乃增  
遼兵多留諸軍徙屯居巢文帝卽王位遼還屯合肥進  
遼爵都鄉侯文帝踐阼封晉陽侯增邑千戶并前二千六

百戶 三國志列傳

樂進字文謙陽平衛國人拜折衝將軍

詳見張遼傳

李典字曼成山陽鉅野人爲破虜將軍與張遼樂進屯合肥  
孫權率衆圍之遼欲奉教出戰典素不睦遼恐其不從典  
慨然曰此國家大事願君計何如耳不可以私憾忘公義  
率衆與遼破走權增邑百戶典好學貴儒雅不與諸將爭  
功敬賢士大无恟恟若不及軍中稱爲長者 三國志列傳

滿寵字伯寧山陽昌邑人也太和二年領豫州刺史三年春  
降人稱吳大嚴揚聲欲詣江北獵孫權欲自出寵度其必  
襲西陽而爲之備權聞之退還是歲寵以前將軍都督揚  
州諸軍事汝南兵民戀慕大小相率奔隨道路不可禁止

四年拜寵征東將軍其冬孫權揚聲欲至合肥寵表召充  
豫諸軍皆集權尋退還被詔罷兵寵以爲今賊大舉而還  
非本意也此必欲僞退以罷吾兵而倒還乘虛掩不備也  
後十餘日權果更來到合肥城不克而還吳將陸遜向廬  
江論者以爲宜速赴之寵曰廬江雖小將勁兵精守則經  
時又賊舍船二百里來後尾空懸尙欲誘致今宜聽其遂  
進但恐走不可及耳整軍趨楊宜口賊聞大兵東下卽夜  
遁時權歲有麥計青龍元年寵上疏曰合肥城南臨江湖  
北達壽春賊攻圍之得據水爲勢官兵救之當先破賊大  
輩然後圍乃得解賊往甚易而兵往救之甚難宜移城內  
之兵其西三十里有奇險可依更立城以固守此爲引賊

平地而倚其歸路于計爲便帝未許尙書趙咨以寵策爲  
長詔遂報聽其年權自出欲圍新城以其遠水積二十日  
不敢下船寵謂諸將曰權得吾移城必于其衆中有自大  
之言今大舉來欲要一切之功雖不敢至必當上岸耀兵  
以示有餘乃潛遣步騎六千伏肥池隱處以待之權果上  
岸耀兵寵伏軍卒起擊之斬首數百或有赴水死者明年  
權自將號十萬至合肥新城寵馳往赴募壯士數十人折  
松爲炬灌以麻油從上風放火燒賊攻具射殺權弟子秦  
賊於是引退三年春權遣兵數千家徇于江北至八月寵  
以爲田向收熟男女布野其屯衛兵去城遠者數百里可  
掩擊也遣長史督二軍循江東下摧破諸屯焚燒穀物而

還景初二年以年老徵還遷太尉諡曰景侯

三國志列傳

**吳**

駱統字公緒會稽烏傷人黃武初曹仁攻濡須統與嚴圭共拒破之封新陽亭侯後爲濡須督前後書數十上所言皆善權終遂行之

三國志列傳

朱桓字休穆吳郡吳人也爲濡須督黃武元年魏使大司馬曹仁步騎數萬向濡須時桓手下及所部兵在者五千人諸將業業各有懼心桓曰勝負在將不在衆寡今仁千里步涉人馬罷困桓與諸君共據高城南臨大江北背山陵以逸待勞爲主制客此百戰百勝之勢雖曹丕自來尙不足憂況仁等耶桓因外示虛弱以誘致仁大敗之以功封

嘉興侯

三國志列傳

芮祉字宜嗣丹陽人從孫堅征討立功堅薦爲九江太守後

莅吳郡所在有聲

明隆慶志

孫河堅族子也出後姑俞氏後復姓爲孫河質性忠直訥言

敏行有氣幹少從堅征討常爲前驅又從權討李術術破

拜威寇中郎將領廬江太守

三國志吳宗室孫韶傳注

洪矩吳時爲廬江太守有清稱徵還船輕皆載土時歲暮逐

除者就乞所獲甚少洪乃語之逐除人見土而去

宣城記

見太平御覽

晉

石苞字仲容渤海南皮人諸葛誕舉兵淮南苞統青州諸軍

壽春平拜鎮東將軍封東定侯假節都督揚州諸軍事武帝踐祚遷大司馬進封樂陵郡公加侍中苞鎮撫淮南士馬強盛邊境多務苞旣勤庶事又以威德服物泰始八年薨諡曰武

晉書列傳

周浚字開林汝南安城人性果烈以才理見知有人倫鑒識初不應州郡辟後仕魏爲尙書郎晉武帝太康初拜折衝將軍揚州刺史隨王渾伐吳以功封武成侯

晉書列傳

鄧殷襄陵人亮直彊正鍾會伐蜀奇其才自涪池令召爲主簿賈充伐吳請殷爲長史後授皇太子詩爲淮南太守夢行水邊見一女子猛獸自後斷其盤囊占者以爲水邊有女汝字也斷盤囊者新獸頭代故獸頭也不作汝陰當作



汝南也果遷汝陰太守爲中庶子 晉書鄧攸傳

張夔清河人廬江太守陶侃早孤貧爲縣吏夔召爲督郵領  
樅陽令有能名遷主簿夔妻有疾將迎醫於數百里時正  
寒雪諸綱紀皆難之侃獨曰資於事父以事君小君猶母  
也安有父母之疾而不盡心乎乃請行 晉書陶侃傳

郝鑒字道微高平金鄉人漢御史大夫慮之元孫也明帝初  
卽位王敦專制內外危逼謀仗鑒爲外援由是拜安西將  
軍兗州刺史都督揚州江西諸軍假節鎮合肥敦忌之表  
爲尙書令徵還薨年七十一贈太宰諡曰文成 晉書列傳

陶瞻字道真歷廣陵相廬江建昌二郡太守遷散騎常侍都  
亭侯爲蘇峻所害追贈大鴻臚諡曰愍悼 晉書陶侃傳

毛寶字碩真滎陽武人也爲溫嶠平南叅軍蘇峻作逆爲嶠前鋒俱次茄子浦時蘇峻送米萬斛饋祖約寶悉獲其米約用大饑嶠嘉其動上爲廬江太守進攻祖約軍次東關破合肥尋召歸石頭陶侃使寶守南城鄧嶽守西城賊遣韓晃攻之寶登城射殺數十人晃問寶曰君是毛廬江耶寶曰是晃曰君名壯勇何不出關寶曰君若健將何不入關晃笑而退賊平封州陵縣開國侯食邑千六百戶

晉書列傳

桓伊字叔夏譙人有武幹標悟簡率頻叅諸府軍事累遷大司馬叅軍時苻堅強盛邊鄙多虞朝議選能距捍疆場者乃授伊淮南太守以綏御有方進督豫州之十二郡揚州

之江西五郡軍事建威將軍歷陽太守淮南如故與謝元  
共破賊及苻堅南寇伊與冠軍將軍謝元破堅于肥水以  
功封永修縣侯進號右軍將軍卒贈右將軍加散騎常侍  
諡曰烈

晉書桓宣傳

**宋**

劉粹字道沖沛郡蕭人也少有志幹初爲州從事遷左衛將  
軍永初元年以佐命功改封建安縣侯食邑千戶二年督  
江北淮南郡事征虜將軍廣陵太守三年以本號督豫司  
雍并四州南豫州之梁郡弋陽馬頭三郡諸軍事豫州刺  
史領梁郡太守鎮壽陽治有政績卒時年五十三追贈安  
北將軍持節本官如故

宋書列傳

諸葛闢淮南太守元嘉二十八年上疏請與在內百官同減俸祿蓋時因軍興詔減官俸三分之一也於是州及郡縣丞尉並悉同減

唐風志

劉劭字伯猷彭城人少有志節兼好文義豫州刺史殷琰假輔國將軍率眾討之劭內攻外禦戰無不捷善撫御將帥以寬厚爲眾所依將軍王廣之求劭所乘馬諸將帥並忿廣之明言勸劭以法裁之劭歡笑卽時解馬與廣之及殷請降劭約令三軍不得妄動城內士民秋毫無所失百姓感悅咸曰來蘇生爲立碑太始三年除劭右衛將軍持節都督豫司二州諸軍事征虜將軍豫州刺史餘如故元徽初桂陽王休範爲亂劭率所領於桁南戰敗死之年五

十七諡曰忠昭 宋書列傳

齊

劉善明平原人太祖踐阼以善明勲臣欲與善明祿召謂之曰淮南近畿國之形勢自非親賢不使居之卿爲我臥治也代高宗爲征虜將軍淮南宣城二郡太守拜新塗伯善明至郡上表陳事凡十一條建元二年卒詔贈左將軍豫州刺史諡烈伯善明家無遺儲唯有書八千卷太祖聞其清貧賜滌家爲塘屯穀五百斛 南齊書列傳

劉奚之沛國相人晉安王諮議參軍淮南太守有能政武帝手詔褒賞 康熙志

梁

韋叡字懷文京兆杜陵人也宋永元初袁顗爲雍州刺史見而異之引爲主簿高祖卽位遷廷尉封梁都子邑三百戶遷太子右衛率出爲輔國將軍豫州刺史領歷陽太守四年王師北伐詔叡都督衆軍叡遣長史王超宗梁郡太守馮道根攻魏小岷城未能拔叡巡行圍柵魏城中忽出數百人陳于門外叡欲擊之諸將皆曰向本輕來未有戰備徐還授甲乃可進耳叡曰不然魏城中二千人閉門堅守足以自保無故出人于外必其驍勇者也若能挫之其城自拔衆猶遲疑叡指其節曰朝廷授此非以爲飾韋叡之法不可犯也乃進兵士皆殊死戰魏軍果敗因急攻之中宿而城拔遂進討合肥先是右軍司馬胡略等至合肥久

未能下。徽按行山川曰：吾聞汾水可以灌平陽，絳水可以灌安邑，卽此是也。乃堰肥水，親自夜率頃之。堰成，水通舟楫。繼至魏初，分築東西小城夾合肥。徽先攻二城，旣而魏援將楊靈允帥軍五萬奄至。衆懼不敵，請表。益兵。徽笑曰：賊已至城下方，復求軍臨難，鑄兵豈及焉。腹且吾求濟師，彼亦微。衆猶如吳蓋巴邱。蜀增白帝耳。師克在和，不在衆。古之義也。因與戰，破之。軍人少安。初，肥水堰立，使軍主王懷靜築城于岸守之。魏攻陷懷靜城，千餘人皆沒。魏人乘勝至徽隄下，其勢甚盛。軍監潘靈祐勸徽退還巢湖。諸將又請走保三義。徽怒曰：寧有此耶？將軍死綬，有首無卻。因令取緄扇麾幢樹之。隄下示無動志。徽素羸，每戰未嘗騎。

馬以板輿自載督厲眾軍魏兵來鑿隄敍親與爭之魏軍少卻因築壘于隄以自固敍起鬪艦高與合肥城等四面臨之魏人計窮相與悲哭敍攻具旣成堰水又滿魏救兵無所用魏守將杜元倫登城督戰中弩死城遂潰俘獲萬餘級牛馬萬數絹滿十間屋悉充軍賞敍每晝接客旅夜算軍書三更起張燈達曙撫循其眾常如不及故投募之士爭歸之所至頓舍修立館宇藩籬牆壁皆應準繩合肥旣平高祖詔眾軍進次東陵去魏甃城二十里將會戰有詔班師去賊旣近懼爲所躡敍悉遣輜重居前身乘小輿殿後魏人服敍威名望之不敢逼全軍而還至是遷豫州于合肥普通元年夏遷侍中車騎將軍八月卒于家贈侍



中車騎將軍開府儀同三司諡曰嚴

梁書列傳

馮道根字巨基廣平鄆人也以孝聞於鄉里高祖起義率鄉人子弟勝兵者悉歸高祖天監二年爲寧朔將軍南梁太守韋叡圍合肥克之道根與諸軍同進所在有功八年遷貞毅將軍假節督豫州諸軍事豫州刺史領汝陰太守爲政清簡境內安定十六年復假節都督豫州諸軍事信武將軍豫州刺史豫部重得道根人皆喜悅高祖每稱曰馮道根所在能使朝廷不復憶有一州居州少時遇疾徵爲散騎常侍左軍將軍既至疾甚普通元年卒贈信武將軍左衛將軍諡曰威

梁書列傳

馬仙琕字靈覆扶風郿人也少以果敢聞起家郢州主簿遷

武騎常侍永元中以勳至前將軍出爲龍驤將軍南汝陰  
譙二郡太守天監四年王師北討以功封浍縣伯邑四  
百戶十一年遷持節督豫北豫霍三州諸軍事信武將軍  
豫州刺史領南汝陰太守餘如故琕爲將能與士卒同勞  
逸身衣不過布帛所居無帷幕衾屏行則飲食與廝養最  
下者同其在邊境常單身潛入敵庭伺知壁壘村落險要  
處所故戰多克捷士卒亦甘心爲之用高祖雅愛之在州  
四年卒贈左衛將軍諡曰剛

梁書列傳

裴邃字淵明河東聞喜人魏襄州刺史綽之後也寓居壽陽  
十歲能屬文齊建武初刺史蕭遙昌引爲府主簿裴叔業  
以壽陽降魏豫州豪族皆被驅掠邃遂隨衆北徙天監初

自拔還朝求邊境自効以爲輔國將軍廬州太守時魏將  
呂頗率衆五萬奄來攻郡遂率麾下拒破之加右軍將軍  
五年平小峴攻合肥以功封夷陵縣子邑三百戶普通二  
年持節督北徐州諸軍事信武將軍北徐州刺史鎮合肥  
四年進號宣毅將軍卒贈侍中左衛將軍謚曰烈遂爲政  
寬明能得士心居身方正有威重將吏憚之少敢犯法及  
其卒也淮肥間莫不流涕

梁書列傳

夏侯亶字世龍車騎將軍詳長子也普通六年大舉北伐先  
遣豫州刺史裴邃帥驍將自南道伐壽陽城未克而邃卒  
乃加亶使持節馳驛代邃與魏將河間王元琛臨淮王元  
或等相拒頗戰克捷尋有密敕班師合肥以休士馬須堰

成復進七年夏淮堰水盛壽陽城將沒亶帥湛僧智魚宏  
張澄等通清流澗將入淮肥瓠軍夾肥築城出亶軍後亶  
與僧智還襲破之所向皆降詔以壽陽依前代置豫州合  
肥鎮改爲南豫州以亶爲使持節都督豫州緣淮南豫霍  
義定五州諸軍事雲麾將軍豫南豫二州刺史三年卒於  
州鎮贈車騎將軍謚曰襄州民夏侯簡等五百人表請爲  
亶立碑置祠詔許之

梁書列傳

夏侯夔字季龍亶弟也起家授使持節督南豫州諸軍事豫  
州刺史豫州積歲寇戎人頗失業夔乃帥軍人於倉陵立  
堰溉田千餘頃歲收穀百餘萬石以充儲備兼贍貧人境  
內賴之夔兄亶先經此任至是夔又居焉兄弟并有恩惠

於鄉里百姓歌之曰我之有州賴仍夏侯前兄後弟布政  
優優卒於州年五十六追贈侍中安北將軍諡曰桓子謚

嗣 梁書列傳

蕭範字世儀莅民甚得時譽撫循將士盡獲歡心太清元年  
以範爲合州刺史鎮合肥 梁書鄱陽王恢傳

陳

荀朗字深明潁陰人侯景之亂朗招率徒旅據巢湖間無所  
屬梁簡文帝密授朗雲麾將軍豫州刺史與外藩討景景  
敗於巴陵朗出自濡須截景破其後軍世祖卽位遷使持  
節安北將軍散騎常侍都督霍晉合三州諸軍事合州刺  
史卒贈南豫州刺史 陳書列傳

裴景暉合州刺史以平賊功封都亭侯

明隆慶志

黃法氈字仲昭巴山新建人也少勁捷有膽力步行日三百里距躍三丈頗便書疏開明簿領出入郡中爲鄉閭所憚太建四年爲使持節散騎常侍都督南豫州諸軍事征南大將軍南豫州刺史五年大舉北伐都督吳明徹出秦郡以法氈爲都督出歷陽齊遣歷陽王步騎五萬來援於小峴築城法氈遣左衛將軍樊毅分兵於大峴禦之大破齊軍盡獲人馬器械於是乃爲拍車及步艦豎拍以逼歷陽人窘蹙乞降法氈緩之則又堅守法氈怒親率士卒攻城施拍加其樓堞時又大雨城崩克之盡誅戍卒進兵合肥望旗降欵法氈不令軍士侵掠躬自撫勞而與之盟竝放

還北以功加侍中改封義陽郡公邑二千戶其年遷都督合霍二州諸軍事征西大將軍合州刺史增邑五百戶七年徙都督豫建光朔合北徐六州諸軍事豫州刺史鎮壽陽侍中散騎常侍持節將軍儀同鼓吹秩竝如故八年十月薨時年五十九贈侍中中權大將軍司空諡曰威

陳書列傳

魯廣達吳州刺史悉達之弟也隨吳明徹討周迪於臨川每戰功居最太建元年都督南豫州諸軍事南豫州刺史十年授使持節都督合霍二州諸軍事進號仁威將軍合州刺史

刺史

陳書列傳

隋

韓擒虎字子通河南東垣人也開皇初高祖以擒虎有文武才夙著威名拜廬州總管委以平陳之任甚爲敵人所憚及大舉伐陳以擒虎爲先鋒

隋書列傳

唐

朱敬則字少連亳州永城人以孝義世被旌顯敬則志尙恢博好學重節義高宗聞其名召見異之爲中書令除右補闕武后稱制出爲鄆州刺史改廬州代還無淮南一物所乘止一馬子曹步從以歸卒年七十五敬則與三從昆弟居四十年貲產無異及執政每以用人爲先細務不省也

唐書列傳

韋岳子武后時爲汝州司馬以辨治稱召授尙舍奉御入見



后賞其能歷廬海等州刺史皆著風迹恩嚴兩施

唐書列傳

李粵字伯高擢制科遷南華令大水他縣饑人至相屬粵爲

具餐鬻及去糗糒送之史爲立碑安祿山亂粵客清河爲

乞師於平原太守顏真卿一郡獲全歷廬州刺史

唐書列傳

賈深秘書少監廬州刺史有文武才略忠於王室推心馭下

嘉績升聞

李華崔公德政碑見文籍志

鄧景山曹州人本以文吏進累至監察御史至德初擢拜青

齊節度使徙淮南爲政簡肅諡曰敬

唐書列傳

崔回字有裕貝州武城人開元中以鈐謀對策甲科歷京兆府叅軍遷劔南節度左司馬知畱後乾元元年罷爲太子少卿畱守東都以治行稱徙淮南節度使在鎮六年請朝

京師吏民乞留詔檢校尚書右僕射還之

唐書列傳

張萬福魏川元城人學騎射從征遼東有功攝壽州刺史舒  
盧壽都團練使州送租賦詣都至潁爲盜所奪萬福領輕  
兵尾襲賊倉卒不得戰悉擒之盡得所亡並先掠人妻女  
財畜萬計還其家不能自致者給舟車以遣徵拜刺史兼  
淮南節度副使攝舒州刺史督淮南盜賊窮破株黨李正  
已反德宗以萬福爲濠州刺史謂曰江淮草木亦知爾威  
名召圖形凌煙閣以工部尚書致仕

唐書列傳

張建封字本立鄧州南陽人少善文章能辯論慷慨尚氣自  
許以功名顯轉運使劉晏表爲判官擢監察御史李希烈  
跋扈不臣壽州刺史崔昭與相聞德宗召宰相選代昭者

盧杞倉卒不暇取它吏卽白用建封進兼御史大夫濠壽  
廬觀察使是時四方尙多故乃繕陴陘益治兵四鄙附悅  
希烈使驃帥悍卒來戰建封皆沮勦之賊平進封階卒年  
六十贈司徒

唐書列傳

羅珣越州會稽人寶應初詣闕上書授太常寺太祝擢廬江  
刺史民間病者捨醫藥禱淫祀珣下令止之修學宮政教  
簡易有芝草白雀淮南節度使杜佑上治狀賜金紫服再  
遷京兆尹徙太子賓客累封襄陽縣男卒諡曰夷

唐書列傳

李翱字習之中進士第元和初爲國子博士史館修撰翱性  
峭鯁論議無所屈宰相李逢吉表爲廬州刺史時州旱遂  
疫逋捐係路亡籍口四萬權豪騰市田屋牟厚利而貧戶

仍輸賦朝下教使以田占租無得隱收豪室稅萬二千緡  
貧弱以安後歷遷節度使卒諡曰文

唐書列傳

劉佑官刺史寬信廉慎歲會課第甲於他州

明隆慶志

路應求字從嶽川大臣子謹飭拜尙書兵部郎中兼御史中  
丞淮南軍司馬改刺廬州又憊其城人不歲苦入爲尙書  
職方郎中公之爲州逢水旱喜賤出與人歲熟以其得收  
常有贏利故所在人不病饑而官府畜積

韓愈路公神道碑

殷祐前廬州刺史可鄭州制夫吏寬信則人人不偷吏廉明  
則人人盡力吾觀祐之爲政其近之乎前守廬江能率是  
道歲會課第甲於他州俾精前功且佇來效宜換符行移  
牧鄭人在春秋時鄭爲侯國武公善于其職子產遺愛于

人人無古今吏有能否聽吾用汝汝其嗣之可鄮州刺史  
白居易長慶集

張杞授廬州刺史兼御史中丞制司徒總言爾從事於幽薊  
之間有年歲矣嘗委事任備觀器用務叢而並辦職久而  
彌勤頗出輩流宜加獎擢況公侯之嗣幕府之英餘慶所  
鍾有才如是今以名郡寵而任之旌善勸能仍兼中憲可

廬州刺史

白居易長慶集

盧潘大中間刺廬州作廬江四辨

明隆慶志

鄭縈字蘊武及進士第歷監察御史擢左司郎中因寔甚丐  
補廬州刺史黃巢掠淮南縈移檄請無犯州境巢笑爲斂  
兵州獨完僖宗嘉之賜緋魚歲滿去贏錢千緡藏州庫後

它盜至終不犯鄭使君錢

唐書列傳

五代

馬仁裕字德寬北平王燧之後遇亂徙居彭城仁裕母方娠夢人謂曰北平來歸及生有紫氣滿庭數歲學兵書若成誦然初給使烈祖左右小心敏幹署右職烈祖移鎮潤州仁裕監赫山渡首聞朱瑾之亂馳白烈祖以功拜左領軍將軍烈祖受禪遷潤州節度使明年移鎮廬州爲理寬簡吏民便之

馬令南唐書

廬州府志卷二十四

名宦中

楊允恭

刁衍

楊日嚴

劉綜

陳堯佐

馬亮

劉筠

馮京

包拯

陳希亮

張田

呂公孺

傅堯俞

王質

朱服

陳軒

龔原

翟汝文

呂頤浩

胡舜陟

陳規

李光

呂祉

楊存中

劉錡

王德

李顯忠

張宗顏

姚興

仇愈

趙康直

趙善俊

趙礪老

郭振

宇文紹節

王希呂

延璽 邱審 趙善湘 翟朝宗

薛叔似 杜杲 吳淵 王埜

馬光祖 杜庶 洪福 羅璧

姚天福 昂吉兒 塔海 陳思謙

馬世德 呂文燧 蘇敏 揭稽

王凱 衛宗孟 史濡 朱鏞

李崙 馬金 楊璫 龍誥

陳桓 周瑯 王鴻漸 項喬

吳嶽 張瀚 張萬紀 屠仲律

呂鳴珂 陳懋觀 張大忠 王侔

范以淑 馮聖世 賈克忠 劉應召



嚴爾珪

吳大朴

朱廷煥

史可法

湯開遠

蔡如蘅

黃得功

趙之璞

張亮

丁允元

趙振業

崔允宏

孫籍

趙允光

吳允昇

王業興

聶源

薛之佐

張純修

徐大枚子文燦

蔡長澐

趙瓚

王成以上知府

拜住

許榮

姚善

曹璉

敖文瑞

段續

郭鳳儀

蔡克廉

白希珩

孫化龍

賈熙載以上同知

何蒙

蘇京

張奎

趙葵

謝牧

陳令

陳狙

張元諡

趙興基以上通判

汪穀

劉攽 計澄 胡奎 陳儒

簡文瑞以上推宮 江沛然 鄭元綬以上經歷 周邦彥

楊邦乂 孫佐 彭璜 聶曼

潘洙 吳子雲以上教授

廬州府志卷二十四

賜進士出身廬州府知府溫陵張祥雲主修  
名宦傳中

宋

楊允恭漢州縣竹人至道初爲發運使巢廬江二縣舊隸廬  
江道遠多寇民輸勞費允恭請以二縣建軍詔許之以無  
爲爲額淮南十八州軍其九禁鹽地則上下其直民利商  
鹽之賤故販者益衆至有持兵器往來爲盜者允恭以爲  
行法宜一卽奏請悉禁而官遣使主之事下三司三司言  
其不可允恭再三爲請太宗始從之是歲收利巨萬咸平  
初爲荆湖江浙都巡檢使卒于昇州年五十六

宋史列傳

刁衍字元賓昇州人知光州就改虞部員外郎轉運使狀其  
政績優詔嘉獎徙知廬州以純澹夷雅知名於時交道敦  
篤士大夫多推重之 宋史列傳

楊日嚴字垂訓河南人進士及第出知襄州徙廬鄆二州 宋  
史列傳

劉綜字居正河中虞鄉人雍熙二年舉進士第祥符七年知  
廬州綜強敏有吏材所至抑挫豪右振舉文法時稱幹治  
然尙氣好勝不爲物論所許 宋史列傳

陳堯佐字希元閬中人進士及第知壽州徙廬州以父疾請  
提點開封府略事後爲兩浙轉運使累遷尙書吏部侍郎  
罷知永興軍改知廬州旣而拜同中書門下事集賢殿大

學士以太子太師致仕卒贈司空兼侍中諡文惠堯佐工  
爲二韻詩性儉約見動物必戒左右勿殺器服壞輒補之  
日無使不全見棄也

宋史列傳

按明隆慶志堯佐眞宗朝三守廬州郡署舊有三至堂卽  
所建也

馬亮合肥人再知廬州

傳見人  
物名臣

劉筠字子儀大名人舉進士眞宗朝爲翰林學士嘗草丁謂  
李廸罷相制旣而謂復舊命筠草制筠不奉詔謂擅權筠  
請補外以右諫議大夫知廬州仁宗卽位爲龍圖閣直學  
士筠素愛廬江遂築室城中構閣藏前後所賜御書飛白  
曰眞宗聖文秘書奉之閣再知廬州營冢墓作棺自爲銘刻

之既病徙居書閣卒筠遇事明達而所治尚簡嚴包拯少時頗爲筠所知及拯顯奏其族子爲後

宋史列傳

馮京字當世江夏人少雋邁不羣舉進士自鄉舉禮部以至廷試皆第一哲宗時拜太子少師致仕卒贈司徒謚文簡其爲郡守諸縣公事至卽厯究之苟與縣牘合而處斷麗於法者呼法吏決罪不以付獄報下捷疾一無壅滯人服其敏云

宋史列傳

包拯合肥人知廬州

傳見人物名臣

陳希亮字公弼其先京兆人遷眉州青神之東山天聖八年進士第仁宗朝知廬州虎翼軍士屯壽春者以謀反誅遷其餘不反者數百人於廬皆自疑不安一日有竊入府舍

將爲不利希亮笑曰此必醉耳貸而流之盡以其餘給左

右使令且以守倉庫衆皆感激誓爲希亮死

宋史列傳

張田字公載洹淵人登進士第知湖州徙廬州治有善迹

宋

史列傳

呂公孺字稚卿壽州人夷簡季子判吏部南曹占對詳敏仁

宗以爲可用知澤潁廬常四州以廉儉聞

宋史列傳

傅堯俞字欽之鄆州須城人十歲能文登第猶未冠英宗時

爲侍御史出知和州神宗卽位徙知廬州司馬光嘗謂河

南邵雍曰欽之清而不耀直而不激勇而能溫是爲難爾

宋史列傳

王質字子野大名入神宗朝知廬州盜殺其徒并質而遁捕

得之質論盜死大理謂法不當死質曰盜殺其徒自首者  
原之所以疑懷其黨且許之自新乃法意也今殺人取贖  
而捕獲乃欲貸之豈法意乎疏上不報

宋史列傳

朱服字行中湖州烏程人熙寧進士甲科以直龍圖閣知潤  
州徙泉婺寧廬壽五州廬人飢守便宜振護全活十餘萬  
口明年大疫又課醫持善藥分拯之賴以安者甚衆

宋史

列傳

陳軒字元興建陽人進士第二以龍圖閣待制知廬州力陳  
青苗貽害願以清淨爲治

宋史列傳

龔原字深之遂昌人哲宗時寶文閣待制知廬州陳瓘擊蔡  
京原與瓘善或謂原實使之遂奪職居和州

宋史列傳



翟汝文字公與潤州丹陽人吏部侍郎出知廬州徙密州

史列傳

呂頤浩字元直登進士第以李清臣薦爲邠州教授建炎二年拜同簽書樞密院事江淮兩浙制置使四年除江東安撫制置大使兼知池州詔以淮南民未復業須威望大臣措置以頤浩兼宣撫領壽春府滁廬和州無爲軍招降趙延壽於分寧得其精銳五千分隸諸將上將還臨安除少傅鎮南定江軍節度使江東安撫制置大使卒贈太師封秦國公諡忠穆

宋史列傳

胡舜陟字汝明績溪人登大觀三年進士第高宗卽位除集英殿修撰知廬州時淮西盜賊充斥廬人震恐日具舟楫

爲南渡計舜陟至修城池治戰具衆心始安冀州雲騎卒  
孫琪聚兵爲盜號一海蝦至廬舜陟出兵擊其抄掠者琪  
宵遁舜陟伏兵邀擊得其輜重而歸濟南僧劉文舜聚黨  
萬餘保舒州舜陟招降之張遇至梁縣舜陟毀竹里橋伏  
兵敗之自軍興後淮西八郡無全城舜陟守廬二年百姓  
安堵改知臨安府遷廬壽鎮撫使改淮西安撫使至廬州  
潰兵王金與其徒來降舜陟散財發粟流民漸歸

宋史列傳

陳規字元則安邱人高宗初年以龍圖閣直學士出知廬州  
尋召赴行在改守順昌與劉錡同破兀朮兵遷樞密直學  
士再知廬州兼淮西安撫使卒於官

宋史列傳

李光字泰發上虞人紹興元年除端明殿學士江東安撫大

便知建康府壽春滁濠廬和無爲宣撫使時太平州卒陸德據城叛光多設方略盡擒其黨

宋史列傳

呂祉字安老建州建陽人紹興七年遷兵部尙書陞督府叅謀軍事往淮西撫諭諸軍張浚以劉光世持不戰之論罷之乃命行營左護軍前統制王德爲都統制又以統制官酈玑爲之副玑與德素不協祉還朝玑與德交訟於都督府及御史臺乃命德還建康以其軍隸督府八月復命祉往廬州節制之祉至廬州玑等復訟德祉乃密奏乞罷玑爲玑所執統制官張瑛及兵馬鈐轄喬仲福統制劉永衡皆死之玑遂率軍四萬人降劉豫擁祉次三塔距淮三十里祉下馬曰劉豫逆臣我豈可見之衆逼祉上馬祉罵曰

死則死於此又語其衆曰劉豫逆臣爾軍中豈無英雄乃  
隨鄺瓊去乎衆頗感動凡千餘人環立不行瓊恐搖動衆  
心急策馬先渡社遇害時有得社括髮之帛歸吳中者其  
妻吳氏持帛自縊以殉葬聞者哀之慶元間詔立廟賜額  
以旌其忠

朱史列傳

楊存中本名沂中字正甫紹興間賜名存中代州崞縣人魁  
梧沈鷟少警敏誦書數百言力能絕人慨然語人曰大丈夫  
當於武功取富貴焉用俯首爲腐儒哉於是學孫吳法  
善射騎宣和末山東河北羣盜四起存中應募擊賊積功  
至忠翊郎遷閤門祇候建炎二年遷榮州刺史高宗南渡  
以奇功遷文州防禦使御前中軍統制紹興元年遷宣州

觀察使二年春進神武中軍統制韓世忠圍淮陽從張浚  
乞張俊將趙密爲助俊令存中助之請於朝故有是命於  
是存中以八隊萬人趨督府助世忠十月存中與劉猷戰  
於藕塘大破之猷之初入也淮西宣撫使劉光世欲棄廬  
州退保太平賊歡十萬已次濠壽間浚命張俊拒之使存  
中往泗州與俊合及至泗則光世已舍廬去浚遣人諭之  
曰一人渡江卽斬以徇光世不得已還廬駐兵與存中相  
應賊先犯定遠縣存中以兵二千襲敗於越家坊旣而與  
猷兵遇藕塘賊據山列陣矢下如雨存中急擊之且使統  
制吳錫以勁騎五千突其陣陣亂存中鼓大兵乘之自以  
勁騎衝其脅大呼曰破賊矣賊錯愕駭視前軍統制張宗

顏自泗來乘背擊之賊大敗貌以首抵謀主李愕曰適見  
犇將軍銳不可當果楊殿前也卽以數騎遁去餘黨萬人  
偃立失措存中躍馬叱之皆怖而降捷聞帝遣中使勞賜  
副宰執曰卿輩始知朕得人也除保成軍節度使殿前都  
虞侯尋兼領馬步帥九年遷殿前副都指揮使十年金人  
叛盟取河南命存中爲淮北宣撫副使十一年元朮恥順  
昌之敗復謀來侵詔大合兵於淮西以待之於是存中以  
殿司兵三萬戍淮與金人戰於柘臯敗之二十年封蔡國  
公二十八年拜少師卒年六十五以太師致仕追封和王

謚武恭

宋史列傳

劉錡字信叔順德軍人瀘州軍節度使仲武第九子也美儀

狀善射聲如洪鐘高宗卽位錄仲武後錡得召見奇之特授閤門宣贊舍人差知岷州爲隴右都護與夏人戰屢勝夏人兒啼輒怖之曰劉都護來會使者自蜀歸以錡名聞召除江東路副總管扈從赴金陵七年帥合肥十年金人攻廬和二州錡抵廬州與張俊楊沂中會而敵已大入錡據東關之險以遏其衝引兵出清溪兩戰皆勝行至柘臯與金人夾石梁河而陣河通巢湖廣二丈錡命曳薪壘橋須臾而成遣甲士數隊沿橋臥槍而坐會沂中王德田師中張子蓋軍俱至翌日兀朮以鐵騎十萬分爲兩隅夾道而陣德薄其右隅引弓射一酋斃之因大呼馳擊諸軍鼓譟金人以拐子馬兩翼而進德率衆鏖戰沂中以萬兵各

持長斧奮擊之敵大敗錡與德等追之又敗於東山敵望見曰此順昌旗幟也卽退走

宋史列傳

王德字子華通遠軍熟羊砦人以武勇應募隸熙帥姚古紹興元年遷中亮大夫同州觀察使六年冬劉豫分道入寇楊沂中張宗顏田師中及德等分兵禦之大敗猊兵於藕塘七年改熙河蘭廓路副總管行營左護軍都統制駐師合肥八年命隸張俊名其軍曰銳勝十年策功封隴西郡侯十一年金人自合肥入侵游騎及江俊議分軍守南岸德曰淮者江之蔽也棄淮不守是謂唇亡齒寒也敵數千里遠來餉道決不繼及其未濟急擊之可以奪氣若遲之使稍安則淮非吾有矣俊猶豫未許德請益堅曰願父子



先越江俟和州下然後宜撫北渡俊乃許德卽渡采石俊督兵繼之宿江中德曰明旦當會食歷陽已而夜拔和州晨迎俊入敵退保昭關又擊走之追至拓臯與金人夾河而軍諸將帥皆集惟張俊後至統制田師中欲待之德怒曰事當機會復何待徑上馬兀朮以鐵騎十餘萬夾道而陣德曰賊右陣堅我當先擊之麾軍渡橋首犯其鋒一酋被甲躍馬始出德引弓一發而斃乘勝大呼令萬兵持長斧如墻而進敵大敗退屯紫金山德復尾擊之劉錡謂德曰昔聞公威略如神今果見之請以兄禮事召拜清遠軍節度使建康駐劄御前諸軍都統制歷浙東福建總管荆南副都統制奉贈檢校少保再贈少傅二子琪順亦以驍

勇聞

宋史列傳

李顯忠綏德青澗人也初名世輔賜名顯忠爲招撫前軍都統制兀朮犯合肥手詔以軍與張俊會顯忠至孔城鎮與敵戰敗之兀朮謂韓常曰此人敢勇宜且避之乃焚廬江而走車駕至平江顯忠選銳士萬人渡江盡復淮西州郡

宋史列傳

張宗顏字希賢延安人紹興八年知廬州總帥事敵數百騎抵城下宗顏以騎百餘禦之敵退有至自淮北者傳金人言曰此張鐵山弟也紹興九年加贈保靜軍節度使謚壯敏

宋史列傳

姚興相州人紹興三十一年金人渝盟興隸都統王權麾下

遇金兵五百騎於廬州之定林卻之初金主亮在壽春江  
淮制置使劉錡命權將迎敵權怯懦不進錡督戰益急權  
不得已守廬州及金兵渡淮權遣興拒之而權退保和州  
興與金人遇於尉子橋金人以鐵騎進興麾兵力戰手殺  
數百人金人立權旗幟以悞興興往奔之父子俱死事聞  
贈容州觀察使卽其砦立廟旣復淮西又立廟戰所額旌  
忠開禧元年侍郎趙善堅言姚興以四百騎當金人十數  
萬自辰至午戰數十合援兵不至金人謂曰有如興者十  
輩吾屬敢前乎忠勇如此宜加爵諡賜諡忠毅

宋史列傳

仇愈字泰安益都人大觀三年進士以淮西宣撫知廬州劉  
豫子麟合金兵大入民情洶懼宣撫司統制張琦者冀乘

危爲亂驅居民越江南走欲先脅愈出擁甲士數千人突入露刃登樓揚白麾左右驚潰迫愈上馬愈徐謂曰若輩無守土責吾當以死殉國堅不爲動神色無少異琦等錯愕遽散其徒人心遂定遣其子自閒道赴朝廷告急雖旌其子以官而援卒不至帝方下詔親征而詔亦不至淮甸喧言將棄兩淮爲保江計愈錄詔語揭之郡縣讀者至流涕咸思自奮監押間僅死于賊餘衆歸州帑匱竭無以爲賞愈悉引班坐牕以酒食慰勞之衆皆感勵募廬壽兵得數百益鄉兵二千出奇直抵壽春城下敵三戰皆北卻走渡淮其後麟復以步騎數千至合肥人心怖駭不知所爲會京西制置使遣牛臯統兵適至愈以忠義感之臯率

勇甚以二千餘騎馳出短兵相接所向披靡敵遂自潰初  
宣撫司旣不以一卒援諸郡但令焚積聚棄城退保文移  
不絕於道又請浚行之浚檄愈度其宜處之愈謂殘破之  
餘兵食不給誠不能支敵然帥臣任一路之責誓當死守  
今若委城使金人有淮西治兵艦於巢湖必貽朝廷憂力  
陳不可浚題其言卒全活數州之衆尋詔詣闕軍民號送  
之官至左朝議大夫魯益都縣伯卒贈左通議大夫

宋史

列傳

趙康直紹興乙巳鄺瓊叛太守趙康直死之統制官張璟喬  
仲福以不從亂被害于無爲州治後立祠以祀之張祁詩  
云偉哉張與喬忠烈激偏裨

輿地紀勝

趙善俊字俊臣太宗七世孫紹興三十七年大府事丞尋攝  
帥知廬州會歲旱江浙饑民廩至善俊括郡內官田均給  
之貸牛種傲屋以居死者給槥人至如歸州城舊毀於兵  
葺完之因言異時恃焦湖以通饋餉今既湮濶宜募鄉兵  
保孤姥二山治屋以儲粟則城守有餘餉道無阻矣增築  
學舍新包拯祠春秋祀之再知廬州復芍陂七門堰免責  
屬邑坊場河渡羨錢百姓德之

宋史列傳

趙礪老乾道癸巳官尙書郎會兩淮分帥上命行淮西事至  
郡謁文廟卽倡議修復於時苦詘乃齊量出入持以堅忍  
久之費有所出至淳熙元年營構一新龍馬忠肅包孝肅  
二公於翼室揭示勲學厥功懋焉

康熙志

郭振字仲舉涇縣人乾道五年以奉國軍承宣使建撫諸軍都統制兼帥淮西淳熙間展合肥城居民便之贈少保

明

隆慶志

宇文紹節字挺臣成都廣都人由進士遷寶謨閣待制知廬州時侂冑方議用兵紹節至郡議修築古城朔造砦柵專爲固圉計嘉定六年正月奉進資政殿學士

宋史列傳

王希呂字仲行宿州人乾道六年登進士科出知廬州淳熙二年淮右擇帥上以希呂已試有功令知廬州兼安撫使修葺城守安集流散兵民賴之

宋史列傳

延聖淳熙八年淮西安撫使在郡逾年民和政成修表節臺祀包孝肅公又以孝肅與忠肅皆常典鄉郡乃繪其像於

學冀以興起廬俗

康熙志

邱密字宗卿江陰軍人隆興元年進士宜撫江淮金人擁眾自渦口犯淮南或勸密棄廬和州爲守江計密曰棄淮則與敵共長江之險矣吾當與淮南俱存亡益增兵爲防尋改江淮制置大使招輯邊民二萬號雄淮軍淮西賴其力拜同知樞密院事卒諡忠定

宋史列傳

趙善湘字清臣漢安懿王五世孫慶元二年進士判無爲軍十一年知無爲軍進直徽猷閣主管淮南制置司公事兼知廬州兼本路安撫

宋史列傳

翟朝宗字叔海開封人嘉定壬午以殿前諸軍都統制兼知廬州下車卽議修學出前趙許二帥所捐金益以戎司之



帑營宮廟遷稽古閣於直廬後阮覲碑記稱朝宗於戎務  
倥偬之時規模志慮特爲宏遠

康熙志

薛叔似字象先其先河東人後徙永嘉知廬州窮道德性命  
之旨談天文地理鐘律象數之學有彙二十卷

宋史列傳

杜杲字子昕邵武人淮西制置使曾式中辟廬州節度推官  
浮光兵變杲單騎往誅其渠魁守將爭餉金悉反之知六  
安定遠再知濠州改安豐元兵圍城杲大戰明年復至又  
大戰擢匠作監御書慰諭之詔以安撫兼廬州進大府卿  
淮西制置副使兼轉運使擢文華閣學士沿江制置使知  
建康府行宮留守節制安慶和無爲三郡進敷文閣學士  
刑部尙書兼吏部尙書進徽猷閣奉祀升寶文閣致仕卒

贈開府杲淹貫多能晚歲專意理學嘗言吾兵間無悖謀

左畫得於四書

宋史列傳

吳淵字道父秘閣修撰柔勝第三子也嘉定七年舉進士調建德縣主簿以功進端明殿學士沿江制置使江東安撫使兼知建康府兼行宮留守節制和州無爲軍安慶府兼三郡屯田使閤丁壯置軍分立隊伍星聯碁布脉絡貫通無事則耕有警則禦詔以淵興利除害所列二十五事究心軍民拜資政殿大學士職任如舊與執政封金陵侯進爵爲公寶佑五年正月朔以功拜參知政事卒贈少師

宋史列傳

王堃字子文寶章閣待制介之子也以父蔭補官登嘉定十

二年進士第淳熙末遷沿江制置使江東安撫使節制和  
州無爲軍安慶府兼三郡屯田行宮畱守巡江引水軍大  
閘舳舻相銜幾三十里憑高望遠考求山川險阨謂要務  
莫如屯田講行事宜修飾行宮諸殿室推京口法創游擊  
軍萬二千蒙衝萬艘江上晏然寶祐二年拜端明殿學士  
簽書樞密院事封吳郡侯

宋史列傳

馬光祖字華父婺州金華人寶慶二年進士沿江制置使江  
東安撫使知建康府兼行宮畱守兼節制和州無爲軍安  
慶府三郡屯田使始至官卽以常例公用器皿錢二十萬  
緡支犒軍民減租稅養鰥寡孤疾無告之人招兵置砦給  
錢助諸軍婚嫁屬縣稅折收絲綿絹帛倚閣除免以數萬

計興學校禮賢才辟召僚屬皆極一時之選去民思之不  
已宋史列傳

杜庶字康侯杲子幼有大志性剛勁通宋典故善爲文從父  
兵間習邊事未入仕已立戰功明堂恩補官尋兼淮西提  
點刑獄浚城濠增守備修學宮知真州兼淮東提點刑獄  
踰年進直秘閣移淮西兼廬州安撫副使人歡迎如見慈  
父治績甚多宋史列傳

洪福雄江左軍統制

傳見人  
物志節

元

羅璧字仲玉鎮江人昭毅大將軍同知淮西道宣慰使事請  
開荒間之田給貧民耕墾三年而後量收其入從之歲

得粟數十萬斛陞鎮國上將軍北海南道宣慰使都元帥  
元史列傳

姚天福字君祥絳州人淮西道按察使淮甸當兵衝將吏豪  
滑爲民害者悉剷除之兵民大悅  
元史列傳

昂吉兒張掖人姓野蒲氏領其父軍從征諸國有功入廬州  
民安堵無所犯時兩淮兵革之餘荆榛蔽野昂吉兒請立  
屯田以給軍餉帝從之  
元史列傳

塔海漢卿兒子也武宗卽位歷和寧路總管後改廬州時有  
飛蝗北來民患之海禱於天蝗乃引去亦有墮水死者人  
以爲異民乏食開廩減直俾民糴之所活甚衆  
元史列傳

陳思謙字景讓警敏好學尤精於皇極經世書文宗天歷初

政收攬賢能授典寶監經歷十一年改淮西廉訪使廬州盜起思謙言於宣讓王帖木兒不花曰承平日久民不知兵王以帝室之胄鎮撫淮甸豈得坐視思謙願與王戮力殄滅王曰此吾責也但鞍馬器械未備何能禦敵思謙括官民馬置兵甲不日而集分道並進遂擒渠賊廬州平

元

史列傳

馬世德字元臣也里可溫國人等進士至正十三年官淮西廉訪僉事合脫城圯爲木柵以拒賊世德請皇孫宣讓王帖木兒不花卽日發公私錢十萬貫重築之民賴無恐先是世德以庸田僉事城姑蘇詳余忠宣公記

明隆慶志

明

呂文燧字用明永康人太祖召爲營田司經歷擢知廬州府  
以治行稱

明史列傳

蘇敏順天人洪武初任廬州府推官刑清政舉進知府八載  
境內肅然郡內每頌良吏必曰蘇太守

明廬慶志

揭稽字孟哲廣昌人宣德十年以御史出知廬州剛正明決  
任事揮霍興革悉中矩矱先是永樂中遷齊藩於廬王素  
驕悍衛士攫奪民物爲郡害稽力奏移之建庶民乃寧

明

廬慶志

王凱句容人由廬州衛司戶叅軍積功至都指揮同知英宗  
登極進都督同知凱性剛毅饒知略馭嚴而有恩

明史

列傳

衛宗孟浙江鄞縣人國子生正統五年以刑部郎陞知府操履剛方用法仁恕民多懷之

明隆慶志

史濡字景澤山西霍州人登乙科行在江西道御史正統十三年進知廬州府操潔政平多所創葺合規儒學湫隘市地展拓至今稱壯麗焉

明隆慶志

朱鏞字廷用浙江仁和人登進士天順八年工部郎中陞知廬州莅民多善政文章政事並爲當時稱許歷兩考進廣東叅政

明隆慶志

李崙字世瞻陝西臨潼人登進士成化十九年以部郎陞知廬州府濬恬簡靜首崇學校境內又安九年進叅政河南山東俱未任家貧行不能治裝卒無以敘地方上其事尋



殊典命有司月給米一石贍其妻子郡人聞之流涕

明隆慶志

慶志

馬金字汝礪四川西充人初授廬州府通判進同知再進知府歷任久盡去宿蠹建余忠宣公祠創景賢書院修郡庠尊經閣購書藏之百廢具舉府治爲之一新任滿擢陝西參政

明隆慶志

楊璫字廷佩河南原武人正德中以兵部郎知廬州府時劉瑾專政境內有巨惡張杲璫張龍兄也璫發其姦撲殺之庫吏循故事以羨餘百金獻璫曰盜官錢者法當遣速令歸之庫

明隆慶志

龍誥字孔錫攸縣人正德中知廬州府嘉靖癸未大旱開廩

設粥平糴建惠民倉鎮淮樓俾力役者藉以給食所活數萬道死者設義塚瘞之

明隆慶志

陳桓字德威福建政和人嘉靖乙酉以戶部郎陞知廬州府沈雅恬逸卽嘗煩劇亦不動聲色大祿之後尤多稨補遷九江兵憲去行李蕭然

明隆慶志

周瑯字光載湖廣蘄水人由刑科都給事中出知廬州府才識淵敏以廉平著聲日與文士相砥礪操行迥古者尤器重之有韻偶集刻於廬遷廣東督學副使

明隆慶志

王鴻漸字德懋河南南陽人舉鄉試第一嘉靖癸未進士以大理寺正陞知廬州府寬厚和平士民戴德以才名調蘇

州歷布政使

明隆慶志

項喬字遷之浙江永嘉人以郎中陞知廬州府政崇大體重

士近民作賦役冊懲盜印吏羣小畏服

明隆慶志

吳嶽字汝喬汶上人嘉靖十一年進士授戶部主事出知廬州府稅課歲萬金例輸府嶽以代郵傳費西山薪故供官  
鑿嶽弛以利民以憂去服除改保定治如廬州以清靜得  
民

明史列傳

張瀚字子文浙江仁和人嘉靖間守廬州州西園故有潦源  
出李陵雞鳴諸山雨潦則病涉瀚跨溪爲橋啟水關故隄  
縱流入城市以東注水不奔濫民賴以濟歲暇發粟賑飢  
嚴禁糴販數讞大獄多所平反所著有疏議十卷奚囊齋  
餘稿藏公署歷吏部尙書

明隆慶志

張萬紀字舜卿陝西臨洮人篤學有文官禮科給事中時河  
間守尹耕黨嚴氏苛政虐民劾而寘之法嚴因出萬紀  
府未幾中以他事人盡惜之

明隆慶志

屠仲律字宗豫嘉興人嘉靖庚申以南御史出知廬州府  
于吏治而愛民尤切歲歉蠲發代輸秋稅不復徵禮合疾  
作百姓願以身代竟卒於官民肖像祀之

明隆慶志

呂鳴珂字聲甫浙江麗水人以刑部郎中陞知廬州府深沈  
練達爲政不尚聲色而崇無停臆民歲苦旱役乃規畫經  
費盡除科擾裁省驛傳冗黷至今稱便興學重儒收斂泮  
池與州邑長吏而議可否不爲苟同尋以憂去

明隆慶志

陳懋觀福建長樂人任給事中抗疏請改南吏部郎出知廬

州府廉明仁愛推誠與人毋敢交以私遇士有禮嘗曰  
見諸生暴階下心卽不安斷獄不輕入人罪俗喪禮故用  
樂下令禁之戊辰凱還涉淮舟覆不死人謂天庇

明隆慶志

張大忠字國禎浙江進士刑部郎中陞知廬州府英斷有才  
雅重學校積穀備荒藥局四設饑者疫者全活甚重廉訪  
諸屬賢不肖悉得其實吏治肅然去之日父老孳載盈街  
遍野立去思碑生祠肖像

明隆慶志

王倬字廉父浙江秀水人萬厯間知廬州府剔蠹息民歲大  
旱手稿禾流涕禱於神且拜且行正酷烈間雷雨忽作倬  
淋漓雨中

明崇禎志

范以淑字自魯南昌人知廬州府愛良民若子疾疫吏若仇

民之以訟待決者旦陳夕轉入錢者計無一二勤於課事  
立奎樓以培文運庠卒士民多有哭之者

明崇禎志

馮聖世字葵旭四川合江人知廬州府下車見府學傾頹卽  
修葺一新集師儒講學於中爲政不事摘發而奸宄自戢  
明崇禎志

賈克忠字獻我陝西進士繼馮聖世守廬郡於府學後復建  
尊經閣巍然偉觀馮守之志於是克成焉

明崇禎志

劉應召字鳳銜天啟中以刑部郎陞知廬州府治尚嚴明守  
藏吏與諸奸胥前後乾沒藏金累數千緡廉得其狀論如  
法諸曹掾吏十沐其七宿習舞文者亦以嚴事左右爲幸  
郡東有豪民以氣力漁食閭里立遠治之惡黨不寒而栗

勢右無敢以苞苴竿牘因緣爲私過士嚴而有禮捐金指  
鍤修郡學填垣是科士之得雋者倍焉

明崇禎志

嚴爾珪浙江進士崇禎四年知廬州府才識敏達雅重斯文  
以姥山峙巢湖之口爲一郡文風所關特捐貲建塔其上  
重纂府志迄今文獻得以有徵

康熙志

吳大朴河南進士初令無錫奉檄毀東林書院稱上旨得遷  
乙亥春賊薄城下以知府守東門下有關通濠賊潛穴其  
腹燎柵柵幾穿急堵之北關守者驅市人出戰爲賊所殪  
賊登陴壓城大朴督義勇發大礮衝敵礮不嚴指揮因某  
嚙指血祭之轟震斃其魁縱火燒城外民居之爲賊窟者  
時烟燄乘風蔽人面大朴拜額卽反風因匾其樓曰迴風

樓

迴風樓碑記  
見古迹下

一夕撼西墀甚急密令爲僂僂如漢壽亭

侯像賊驚以爲神避去起礮樓臨濠東石牌賊不敢掘今  
所謂濠壩是也時多奸細頗以殺戮爲威然守廬五載功  
不可泯病急聞城頭柝聲稍懈道家丁嚴諭之竟卒於官  
康熙志

江南通志大朴知廬州練達有文武略一郡稱治崇禎乙  
亥春流賊薄郡大朴守東城城故有關通濠賊潛穴關腹  
燬柵幾穿公捐貲導諭富室各輸餼塞堵錮一貧易土一  
貧民爭輸恐後閣賴以完時江北善守城者大朴爲最  
朱廷煥山東進士知府政仁厚二載以憂去士民選道  
史可法字憲之大興籍祥符人世錦衣百戶崇禎元年進士



安廬道初設朝議以可法有文武才超擢兵備道丙子賊從斬黃犯潛太可法親冒矢石督兵勦禦殺賊數百人賊遁後輕騎往來舒六之間麇餅糲飯與士卒共之辛丑以功晉巡撫僉都御史駐六安賊至三戰三捷軍聲大振地方旱蝗百計賑卹淮南倚以爲二天旋以憂去壬午起總漕再至廬州爲文祭官紳士民之死難者士輒感激郡得暫安

康熙志

湯開遠字伯開江西人崇禎五年舉人按察僉事監安廬二郡軍是時賊大擾江北開遠數有功巡撫史可法薦其治行卓異進秩副使監軍如故竟以勞瘁卒于官軍民咸爲泣下贈太僕少卿

明史列傳

蔡如蘅貴州舉人安廬道叅議寬和恬雅素有惠聲壬午五月督將士分門禦賊七日賊夜半襲城陷被執其帥欲降之不屈強令拜跪亦不從大罵死之

康熙志

按明史城陷如蘅絕城走無被執事詳後趙興基傳中史中丞可法祭殉難官紳士民文亦無如蘅名舊志不知何據

黃得功合肥人後軍都督府左都督鎮廬州

傳見人物志節

趙之瑛廬州指揮同知崇禎十五年張獻忠陷城巷戰死

傳

見人物志節

張亮四川人舉於鄉崇禎時安廬兵備監禁軍討賊頻有功左夢庚陷安慶亮被執乘間赴水死

明史列傳

國朝

丁允元山東進士順治二年以蘇州知府陞兵備道端方廉靜政尙寬平亂後郡中士子散處四方到任首崇學校人文漸起迄今猶追慕之

康熙志

趙振業山東人由進士任安廬叅議練達有才智時土寇張福寰侯應龍等據霍山率兵禦之兩易寒暑始平卽解綬歸里

康熙志

崔允宏字興我北直進士臺員轉廬六叅議愛養士民創書院於黉宮左顏曰嶽麓巨觀

康熙志

孫籍字頡初浙江進士由刑部郎督山右學政遷廬六叅議改修刑明每決一獄卽大書審語於壁以示其公葺鎮淮

樓於兵火之餘重爲一郡巨觀甫竣奉裁去

康熙志

趙允光大興人順治初知廬州府時兵燹之餘流亡未復允光招徠撫字輕徭均賦民獲其利無爲巢縣聞有頑民聚黨爲患允光捕之悉獲其魁

江南通志

吳允昇字賓廷三韓人九年任知府寡欲省刑民多被澤時連歲旱飢設法賑貸全活者畝捐貲鼎鑪學宮崇重文教士民立祠祀之

江南通志

王業興字鳴石奉天人順治中知廬州府值海氛逼境業興親率家丁及營卒登陴捍禦屢挫賊鋒州得無事治郡十三年勸課農桑減省刑獄民咸德之又出俸錢建斗文書院發諸生肄學其中後遷荆南巡道

江南通志

聶源字天水直隸舉人知廬州政簡刑清惠均士庶時值大  
兵駐郡芻糗不供源殫心籌畫閭閻賴以無擾未幾引年  
乞休遠近餞送刻有臥轍詩集

康熙志

薛之佐號鶴齋四川蒼溪舉人康熙間以部郎出守廬州會  
歲旱設法賑飢全活億萬倡捐義倉設立城鄉各處勸民  
樂輸出納筭鑰擇公正鄉約司之弗經胥吏之手饑饉有  
備賴以存活者甚眾開金斗河修學校多教養善政士民  
德之祀於名宦祠

府案

張純修號敬齋奉天正白旗人康熙三十二年以揚州府同  
知卓異陞知廬州興學育才創建橫渠書院以課士刻有  
樂豐堂課士集復頒發孝經小學近思錄諸書於學官編

修郡志建義學創育嬰堂禁吏胥包攬革里長派累善政尤多以疾卒官士民思之

府案

徐大枚號梅麓奉天正藍旗人戊戌進士雍正六年以太原府同知陞廬州居心仁厚聽斷公平修葺學宮試院疏濬河渠興修水利擢蘇州兵備道去子文燦乾隆間以兵馬司指揮陞廬州通判後以海門廳同知署廬州府創修奎樓文昌閣暨廣益局服官多善政去任後郡人爲立遺愛

祠

府案

蔡長溪號巨源福建漳浦貢生乾隆十四年調知廬州興修書院增置田租以養士清釐案牘無十日不結者

府案

趙瓚奉天進士乾隆十五年在廬州府捐俸倡修郡學添置

廬陽書院田租以充經費增建講堂齋舍二十餘楹購經史諸書貯其中俾諸生朝夕誦習重建鎮淮樓在任多所興革士民懷之

府案

王歲江蘇鎮洋進士乾隆二十二年任廬州府治尙大體不事苛求守廬十餘載政簡刑清修廢舉墜常言居官以御下爲要第使官與民無蔽隔則弊自除而郡自治矣修築城垣加以雉堞煥然一新又建魁樓葺學宮修浚津牐創廣益局造演武廳以訓練武備善政多可紀者

府案

同知

元

拜住蒙古人紇烈氏至元初任總管府同知在郡五年修包

公祠增廣弟子員惠利及人葛聞孫爲文記其政績按碑  
言公之伯氏故江西行省左丞都思鐵睦公當延祐至治  
間常長是邦有惠政公復接武兄弟皆良吏云

明隆慶志

明

許榮舒城人洪武初廬州府同知

傳見人物名將

姚善字克一安陸人初姓李洪武中由鄉舉同知廬州善爲  
政持大體不爲苛細訟遂衰息

明史列傳

曹璉通州淳縣人永樂八年任廬州府同知臨政不苛能以  
貞白自持考滿擢甘肅苑馬寺少卿

明隆慶志

敖文瑞吳橋人登乙科先任兗州府同知晉鹽運同知自陳  
仍舊官改同知廬州事廉明剛正在任數年清白如一日



明隆慶志

段續字紹先陝西蘭州人登進士由御史左遷知杞縣陞廬州同知清肅公正胥吏懼服士民戴之

明隆慶志

郭鳳儀字舜符河南祥符人登進士第乞歸養家居十一年終養後任廬州同知政尚清簡公餘書帙不釋手陞湖州知府子舉南宮報至卽拂衣歸

明隆慶志

蔡克廉字道卿福建晉江人登進士授刑部主事左遷廣德州同改廬州郡丞質粹才清佐郡優裕政暇進諸生商訂披露衷臆後官中丞撫淮甸凡廬之故舊猶存問不遺進南戶部尙書

明隆慶志

白希珩字汝佩山西寧鄉人隆慶進士任廬州同知剛直清

介在廬三年民畏而懷之遷南戶部郎中

明崇禎志

孫化龍字時際直隸獲鹿人同知管無爲江防事悉心經理百務俱親編立保甲置巡江哨船至今營汛定規皆其所設也終山西按察使

明崇禎志

賈熙載直隸雞澤人舉人以同知管無爲江防清眞簡素靜以制紛春秋閱伍兵哨無不悚服盜賊斂跡兩署州篆秋毫無取以錢糴羨銀助修儒學尊經閣在任六年威行仁治士民爲立生祠於治北門

明崇禎志

通判

宋

何蒙字叔昭洪州人李煜時署錄事叅軍入宋太宗授右贊

善大夫三遷至水部員外郎通判廬州時郡中火燔廨舍  
推務俱盡蒙假民器貸鄰郡麴米爲酒旣而課增倍戶部  
使上其狀詔賫緡錢獎之稍遷司門巡撫使潘愼修薦其  
材敏驛召至京固面對訪以江淮茶法蒙條奏利害稱旨  
賜緡魚及錢十萬後二日復對又上淮南酒榷便立特改  
庫部後賜錢二十萬因命至淮右提總其事自是歲有美  
利真宗卽位上言請開淮南鹽禁時卜裒楊允恭輩方以  
禁鹽爲便共排抑之出知梧州改水部郎中上所著兵機  
要類十卷

宋史列傳

蘇京字世美通判有善政去之日士民遮留罷市

明隆慶志

張奎英宗時以御史判廬州前知合肥縣事持身守法風力

精強所至有治迹吏不敢欺與兄亢皆知名一時

康熙志

趙葵字南仲與兄范俱有志事功嘉定十五年直秘閣通判

廬州數費私錢會諸將毬射與制置使曾式中不合去之  
宋史列傳

**明**

謝牧安福人登進士初任黔江縣知縣正統十三年遷廬州

通判心慈德厚去後猶有餘思

明隆慶志

陳令字汝申龍溪人登乙科嘉靖壬辰任廬州通判優贍文  
學志操端簡民德之如戴慈母竟以公廉忤時改斷事去

明隆慶志

陳祖字少志江西封邱人任廬州通判平恕清約喪偶不再

娶官署蕭然後陞泉州知府

明隆慶志

張元諡字伯啟浙江江浦人登進士以工部郎中謫廬州通判氣稟剛勁學有淵源居官惟閉門讀書日課諸生爲務吏治不擾公庭肅然

明隆慶志

趙興基雲南太和人崇禎初以鄉舉通判廬州十五年張獻忠陷舒城游騎日抵廬州城下興基與知府鄭履祥經歷鄭元綬合肥知縣潘登貴指揮同知趙之璞里居叅政陳楷分門守監司蔡如蘅貪戾民不附賊謀滿城中不能知五月提學御史徐之垣以試士至獻忠遣其徒僞爲諸生襲儒冠以入夜半舉礮城中大擾之垣如蘅及履祥登貴竝絕城走興基時守水西門聞變挺刃下戍樓與鬪斬數

人被創死元綬楷其守南薰門元綬力鬪死楷不屈死之  
璞守東門巷戰死總督史可法以聞贈興基河南僉事楷

光祿卿元綬亦贈卹

明史列傳

推官

宋

汪穀婺源人居官有異政

明隆慶志

劉攽字貢父嘉祐二年爲觀察推官歐陽文忠公稱其文學

優贍操履清慎堪充館職

明隆慶志

明

計澄江西浮梁人登進士監察御史改廬州推官請介自持  
獄多平反郡中稱平遷大理知府歷廣西按察使

明隆慶

志

胡奎字應文嘉靖辛巳進士庚寅授廬州推官議刑無失入  
詿誤者多爲辨脫舉人盛鳳爲仇惡構陷奎直之乃得不  
寃官至右副都御史

明隆慶志

陳儒字汝宗錦衣衛籍進士以布政謫任留心民瘼綽有政  
聲歷官戶部侍郎

明隆慶志

飭文瑞四川進士推官廉平敏察勸學重文分校南闈所錄  
皆名士忠節狀元劉若宰其門人也

康熙志

經歷

明

江沛然字涵齋黃岡人以給事中謫官經歷署廬江縣事積

弊之後力爲振刷廉渠奸寘之法一境肅然

明崇禎志

鄭元綬浙江人任經歷賊至分守南薰門一日賊毀民居作雲梯數十爲攻具鄭見之曰梯高於城勢必破不如出戰於是率城中義勇三百餘人揚旌擣鼓而出賊爲披靡五月城潰迎戰被創不屈死

康熙志

教授

**宋**

周邦彥字美成錢塘人博涉百家之書元豐初游京師獻汴都賦萬餘言神宗異之命侍臣讀于迺英殿召赴政事堂自太學諸生一命爲正居五歲不遷益盡力于辭章出教授廬州徽宗時拜祕書監進徽猷閣待制提舉大晟府未



幾知順昌府徙處州邦彥好音樂能自度曲製樂府長短句詞韻清蔚傳於世

朱史列傳

楊邦乂字晞稷吉水人博通古今以舍選登進士第遭時多艱每以節義自許歷婺源尉廬建康三郡教授改秩知溧陽縣建炎三年金人濟江時李枕陳邦光守建康率官屬迎拜惟邦乂不屈膝金帥完顏宗弼殺之剖取其心事聞贈直秘閣賜田三頃七年加贈徽猷閣待制增賜田三頃

朱史列傳

明

孫佐字良輔浙江山陰人登乙科宏治十年任廬州教授淳樸重厚爲教有方諸生貧乏者捐俸賙之廬之士大夫至

今稱之

明隆慶志

彭璜江西太和人舉於鄉初任知縣以方正改浙江都事再改廬州教授博雅廉靜卹貧寒抑豪侈雖世官清要而不以驕人時郡守欲卽堂後舊亭改署敬一箴公力爭不已因是罷去

明隆慶志

聶曼字子貞江西金谿人南京國子監助教改廬州教授傳象山性學尤邃於易終日端坐無惰容引掖後進藹如也太守清南王公雅重之性喜施予捐資助僚友喪葬諸生君甚者月給以米嘗典北試得士最多

明隆慶志

潘洙字士鼎福建解元進士改教天性情淡自云精神死於舉業者二十年日聚士於啟聖祠教令爲文後補銓部復

紆道過廬取藁士再課之見業不加進者殷殷切責令人  
有去後之思

康熙志

國朝

吳子雲字霞蒸桐城人進士改府學教授老成謹厚模範甚  
端歷河南提學道僉事

康熙志